



Sabtu, 19 Nopember 2022

Ogen : Masmur 112: 1-3



Kebujuren Si Rasa Lalap



“Tidak mencari harta yang berharga itu diluar sana, temukanlah harta yang berharga itu ada di dalam halaman rumahmu sendiri”. E me kesimpulan arah cerita si isehken Russell Conwell (1843-1925) asum nulis buku si erjudul “Acres of Diamonds”. I bas bukuna e Conwell ercerita kerna sekalak pedagang si bayak si megi berita maka lit harta terbuni bas sada daerah. Kalak bayak e lawes arah rumahna guna ndarami erta e. Tapi kinatana labo idatkenna kai pe i bas perdalenenna ndaramisa, piahna ia memutuskan guna mulih ku rumahna. Kenca seh i rumah, alu la sengaja kalak bayak ngenehen sada batu mbiring alu mata cahaya si memantulkan warna pelangi. Kepeken batu berlian berharga si sedekah enda idaramina ijah ije, lit i bas lingkungan rumahna jine. Harta yang paling berharga adalah keluarga. Sendalanan kerna sie pe pemasmur ningetkensa man banta maka kemalemen ate nandangi kalak si erkemalangen man Tuhan ras si ngikutken kerina perintahNa, isi jabuna jadi kalak bayak namura, anak-anakna jadi kalak si erkuasa ras kesusurena ipasu-pasu me pagi. Janah labo terjeng status ngenca tapi seh ku bas praktek geluh maka ia jadi kalak bujur. Tep-tep jelma pasti lit harta terpendam i bas kegeluhenna. Harta si idatken kita janah si olah alu mehuli jadi sada perkakas man banta guna memuliaken Tuhan i bas geluhta. Tapi megati kita ndarami harta idarat piahna sitadingken hartata si meherga e me jabu ras isina. Erkiteken sibuksa ndaram-ndarami erta, si lit ibas jabuta pe lanai terkelola, anak-anak kurang iperdiateken, lanai terurus, lalit dame sejahtera. “Bukan mencari harta yang di sana dan nanti tapi di sini dan sekarang yakni keluarga”. Gali, temukan dan kembangkan harta terpendam e ibas jabuta guna kemuliaan Tuhan. Nina John Wesly “Carilah semua yang dapat Anda cari; Simpanlah semua yang dapat Anda simpan; dan berikanlah semua yang Anda dapat berikan”.